

DE INEFFABILI
TRINITATIS
 MYSTERIO
ORATIO

Habita in Sacello Pontificio

AD SANCTISSIMUM D. N.

BENEDICTUM XIV.
 PONT. MAX.

A MARCHIONE CAROLO BELLISOMI
 PATRICIO TICINENSI


Collegii Clementini Convictore.



ROMÆ MDCCLV.

Ex Typographia Chracas, prope S. Marcum in via Curfus.

SUPERIORUM PERMISSU.



(I I I)

Sanctissimo Domino Nostro

**BENEDICTO XIV.
PONTIFICI MAXIMO**

**CAROLUS BELLISOMI
FELICITATEM.**



MULTIS *jam ab hinc*
annis optaveram, BEA-
TISSIME PATER, me
illum unum esse e sodalibus meis, qui
in tuo Sacello, cum SANCTISSIMÆ
TRINITATIS solemnitatis recurreret,

*ut mos est , possem dicere , atque ut
 hoc munus mihi præsertim injunge-
 retur , enixe sæpius oraveram . Intel-
 ligebam enim inter præcipua adole-
 scentis decora procul dubio referri
 oportere , imo maximæ laudi fore at-
 que ornamento Viris etiam doctissimis ,
 ac præstantissimis , eo totius orbis ter-
 rarum amplissimo loco , quem Tu præ-
 sentia Tua illustras , atque imples ,
 ubi prima Ecclesiæ lumina , ubi cla-
 rissimi Præsules , ubi omnis flos nobi-
 litatis collectus , orationem habere po-
 tuisse . Præterea , cum quotidianis fere
 sermonibus sodales meos de benigni-
 tate Tua erga ipsos maxima invicem
 colloquentes , & quam comiter , quam
 humaniter illos semper exceperis enar-
 rantes , & sæpe etiam verba tua ipsa
 plena amoris , ac facilitatis referentes
 audi-*


(V)

*audirem, cur non te propius videndi,
atque adeundi desiderio flagrarem?
Sed, cum plures alii hæc eadem,
quæ dicebantur attentis auribus
accipientes pari cupiditate incende-
rentur, atque eundem honorem appe-
terent, merito ii prius impetrarunt,
qui prius rogaverant. Tandem ego
quoque voti compos sum factus, & li-
cuit mihi aliquando summa cum ani-
mi voluptate coram Te BEATISSIME
PATER, frequentissimo Principum
purpuratorum Senatu, & amplissimo-
rum Præsulum confessu de ineffabili
TRINITATIS Mysterio orationem te-
xere; & licet nunc, dum eandem SAN-
CTITATI TUE supplex offero, huma-
nitatem illam Tuam, de qua tot, ac
tam præclara mihi relata sunt, co-
ram experiri. Nec vereor, quin eodem*

(VI)

*erga me animo sis futurus , quo erga
cæteros omnes fuisti , qui ad Te acces-
serunt. Quod si etiam me unum a Te re-
pellendum putares, non metuerem; Scio
enim humanitatem, comitatemque tuis
moribus ita jam accomodatam, atque
inditam esse, ut aliter excipere ad Te
venientes, quam humaniter & nescias,
& nequeas . Perbreve igitur hanc
Orationem, quam jam auribus perce-
pisti, benignus complectere, atque ali-
quo obtutu dignare : dein mihi, pe-
dibus tuis humiliter advoluto, totique
Collegio, quod Te, ut maximum sui
Decus, ut beneficum Principem, ut
amantissimum Patrem intuetur, at-
que ut Te D. O. M. diu populo tuo
incolumem servet, quotidie precatur,
Apostolicam tuam Benedictionem im-
pertire .*

ORA.



O R A T I O .



S A T I S nequeo BEATISSIME PATER
 Joannis felicit recordationis
 vicesimi secundi Pontificis
 Maximi sapientiam, consili-
 umque laudare, qui ineffabile TRINITATIS
 Mysterium ab omni Ecclesia quotannis
 ritu solemni jusserit celebrari (a), atque ho-
 diernum diem potissimum delegerit, in quo
 Christi fideles singulari quadam ratione il-
 lud venerarentur. Æquum enim fuerat, cum
 in aliorum Mysteriorum honorem plurima
 per

(a) Suarez lib. 2. de diebus Festis cap. 4. in fine.

(V I I I)

per annum festa essent instituta, etiam in SANCTISSIMÆ TRINITATIS laudem, quæ Christianæ Fidei caput est, & omnium Mysteriorum, & Catholicæ Religionis fundamentum, specialis aliqua celebritas haberetur. Æquum præterea fuerat, postquam Ecclesia hymnis, & canticis Christum in Cœlum ascendentem est prosecuta, postquam votis, precibusque SPIRITUM SANCTUM invocavit, ut mentes Fidelium visitaret, & superna gratia pectora, quæ creaverat, impleret, nunc toti TRINITATI præconia solemniter caneret, in qua & Filius, & Spiritus Sanctus cum Patre adoratur, & cujus manifestatione ita extollitur Ecclesiæ dignitas, ut liceat nobis præ veteris Testamenti sanctissimis viris; imò præ ipso credentium Patre Abraham in hoc gloriari.

Nec mirum alicui videatur me hoc ita fidenter, ac libere loqui. Scio equidem, ut cæteros omnes præteream, qui in veteri testamento sanctitate insignes floruerunt, tam spectatæ probatæque virtutis fuisse Abraham, ut merito Æternus Pater elegerit illum ex millibus, ut esset in gentem

magnam, ac robustissimam (a) : & in ipso Benedicendæ essent omnes nationes terræ: merito voluerit Æternus Filius ex semine ipsius nasci: merito Spiritus Sanctus (b) Virum justum, & perfectum, & Patrem credentium in Scripturis prædicet. Scio penitissima etiam summi Regis Sacramenta, quæ aliis abscondebantur; ipsi fuisse revelata, ut neque eum TRINITATIS arcanum latuerit (c), & in convalle Mambre (d) tres viderit, & unum adoraverit; Nihilo tamen minus (perennes gratiæ immortalis Deo habeantur) in hujus Mysterii manifestatione non est cum Ecclesia comparandus. Et si felix Abraham, quod TRINITATEM in typo viderit, ut ait Ambrosius (e) tres suscipiens, & unum adorans, multo nos feliores sumus, qui hoc idem Mysterium, non per umbras, aut enigmata, sed pleno in Fidei lumine cernimus; & confitemur. Ille vidit tres Angelos (f); nos Deum ipsum pæne vidimus. Audivimus enim Patrem de
Cœ-

(a) *Gen. c. 18. v. 18.* (b) *Gen. c. 15. v. 6. c. 17. v. 2., & alibi pluribus locis.* (c) *Gen. c. 18. v. 1., & infra.* (d) *S. Aug. contra Maxim. cap. 24.* (e) *Ita Ambros. lib. de Abraham c. 5., & lib. de Fide Resur.* (f) *Apud Joan. de la Haje ita Interp.*

(X)

Coelo loquentem (a): Hic est Filius meus dilectus in quo mihi bene complacui; ipsum audite. Vidimus Filium triginta trium annorum spatio conversatum in terris. Vidimus Spiritum Sanctum (b) nunc sub Columbæ specie ad fluentia Jordanis, nunc (c) in Coenaculo in flamma ignis super Apostolos descendisse. Novit ille, dum tres vidit, & unum adoravit, Deum Unum in essentia, Trinum in Personis; sed quo nomine hæ Personæ appellarentur, quæ peculiari aliqua ratione singulis essent attributa, quæ æterna generatio; quæve processio ignorabat. Nos illas Patrem, & Filium, & Spiritum Sanctum appellari oraculo ipsius Veritatis agnovimus cum ad Apostolos inquit: (d) Euntes docete omnes gentes baptizantes eos in nomine Patris, & Filii, & Spiritus Sancti: Porro Omnipotentiam Patri, Sapientiam Filio, Spiritui Sancto amorem tribui plane intelligimus. Non ne denique Patrem ingenitum, Filium unigenitum, Spiritum Sanctum a Patre,

(a) S. Matt. cap. 17. v. 5. (b) S. Luc. cap. 3., e 22. (c) Actibus Ap. c. 2. v. 3. (d) S. Matt. c. 28. v. 19.

tre, & Filio procedentem palam credimus, & profiteamur? Quæ omnia profecto Abraham fuerunt abscondita. Nobis tantummodo hos divitiarum suarum thesauros aperuit Deus; qui jam tot sæculis ante oculos hominum latuerant; atque ut Ecclesia omnino præstet Sinagogæ, si Abraham, postquam tres vidit, & unum adoravit (a) dignus factus est, qui Angelos Symbolum TRINITATIS hospitio reciperet, vere credentes, & fidem operibus comprobantes Templum sunt Spiritus Sancti, imo Totius TRINITATIS, quæ in cordibus ipsorum inhabitat testante ipso Deo: (b) veniemus, & mansionem apud eum faciemus; Et si tum Abraham tum cæteris antiquis Patribus ea, quæ finem habuerunt promittebantur, futuri scilicet in Isaac Salvatoris adventus; nobis, quæ finem nunquam sunt habitura immortalium bonorum, & gratiæ simul, & gloriæ facta est repromissio.

Gaudeamus itaque in hac tanta Ecclesiæ solemnitate gratias agentes Deo, qui nos in tenebris, & in umbra mortis seden-

tes

(a) Gen. cap. ut supra. (b) S. Joan. c. 14. v. 23.

(X I I)

tes vocavit in admirabile lumen suum , & præ ipso credentium Patre Abraham ita dilexit, ut nobis arcana sua luculentius patefecerit , precemurque Deum Patrem , & Filium , & Spiritum Sanctum , ut venientes , & mansionem in cordibus nostris facientes dignos tandem nos reddant , qui bonorum æternorum promissa consequamur .

F I N I S .

